

## Чик ухан-седклтә улсин сананла ирлцджәх Закон

Элст балгъсна промкомбина-  
тин тоосхин заводин кӧдлмш-  
чир боли уулд цергләчир олд  
харш, әмтнә кӱч-кӧлсәр, мек-  
тахар бәәдг улсла ноолдаг  
чангъахин туск Закона проект  
барлгдснд ик оньган тусхадж,  
кӱүндвр кеджәцхәнә. Одахн  
хургт цуглрад тедн ухан-сед-  
клән келцхәв.

Түрүн болдж босдж үг келсн,  
заводин кӧдлмшч үр С. Джа-  
нов, шинәс гаргъхар бәәх йосн  
кӱч-кӧлсәрн бәәдг улст ик таа-  
ста ухан-седклән ирлцджәх  
йосн гидж заав.

—Гууль гуугъад, кӧдлмш  
келго, амр-тавар, хаджудк  
улсиннь олз-оруд багтад бәә-  
хәр седцхәдг улст мана дунд  
орм уга болх зӧвтә,—гидж тер  
цаарандан келв.—Мана орн-  
нутгт кӧдлмш кехәр седсн  
кӱүнд дурта кӧдлмшинь ӧгәд,  
олн кӱүкдтә ӧрк-бӱлмӱд госу-  
дарствас дӧнъ-дамджг авна,  
кӧгши улст пенсий ӧггднә. Эн  
учрар мана дунд түрү-зӱдӱлә  
харгъдж йовх улс уга гидж  
келдж болхмн. Хара бәәдг  
улс олд харш улс,—гидж үр  
Джанов үгән тӧгсәв.

Энӱнә даруд босдж келц-  
хәсн В. Михайлов, Е. Мали-  
новская, И. Коршоченко боли  
нань чигн кӧдләчир, шин га-  
ргъхар бәәх йосна проектиг  
бас таасцхав. Чик йосн, кӱч-  
кӧлсәрн бәәдг мадна гарт ик  
зӧв ӧгх йосн болджана гидж  
келцхәв.

Балгъсна промкомбинатин  
предприятъсәр болсн хургст  
150 шаху кӱн орлсн, эдн нег  
дуугъар шин йосна проектиг  
зӧвшәрцхәв.